

Sa festa de sa malvasia de Sètimu.

Sa malvasia, cudda giai nomenada po èssi stravanada de su stòricu Diodoro Siculo in su primu sèculu innantis de Cristu, torrat a èssi celebrada ocannu puru in Sètimu.

Sa malvasia si fait ancora cumentu si fiat in is tempus antigus: si binnennat candu s'àxina est cota meda, si torrat a mustu e si lassat a buddiri.

Ndi bessit unu binu grogu, a colori de ambra, cun d-unu fragu chi assimbillat a cuddu de is mèndulas e chi andat de 14 a 16 gradus de àlcol.

In buca abarrat unu pagu sciutu e agru, ma savoriu meda acitotu e unu pagu amarigosu a sa fini.

Su 16 e su 17 de aprili de ocannu, in sa Casa Dessy, s'Aministratzioni at decìdiu de torrai a fai sa festa de sa malvasia, chi amancàt giai de tropu tempus in sa biddu de Sètimu.

Su 16, cumentzendi a is 6 de a meri, totus is binus, portaus de is bingaderis de sa biddu, ant a èssi tastaus e giudicaus de is espertus.

Sa di infatu, su 17, cumentzendi de is 4 e mesu de a meri, at a èssi premiada sa mellus malvasia.

Cumentu at nau s'Assessori po sa Cultura de su Cumunu de Sètimu: «S'idea est cudda de scoberri e circai de aguantai is tradizionis de su binu e de sa cosa de papai, fendi connosci su vantù e su spantu de s'agricoltura de sa biddu».

E at a èssi puru s'ocasioni po chistionai de sa calidadi de vida, de is tempus po prantai, po arregolli, po segai, de sa saludi nosta, de su territòriu e de cussu de bonu chi si podit donai.

At a èssi puru s'ocasioni po tastai, e nò, is binus, impari a is drucis de sa biddu.

Casa Dessy, bia Gramsci 73: cenabara a is 6 de a meri e sàbudu a is 4 e mesu de a meri.